

POZIV ZA ANGAŽOVANJE INDIVIDUALNOG KONSULTANTA

A. PODACI O POZICIJI

Naziv pozicije:	Konsultant za izradu analize o trenutnom stanju i načinima uključivanja i ojačavanja procesa lokalizacije u implementaciji Ciljeva održivog razvoja i Agende 2030 u BiH
Projekat/Program:	SDG Partnerstvo Bosne i Hercegovine i Švicarske
Lokacija:	Bosna i Hercegovina
Potreba putovanja	Da - unutar BiH
Oblast projekta:	Lokalizacija/Proces transformisanja SDGs u realnost na lokanom nivou
Vrsta ugovora:	Ugovor o autorskom djelu
Trajanje ugovora:	Jun - septembar 2024. (maksimalno 12 radnih dana)
Korisnici:	Interesorna radna grupa za praćenje implementacije Ciljeva održivog razvoja u BiH – SDG Savjet (Direkcija za ekonomsko planiranje Savjeta ministara BiH, Ministarstvo za evropske integracije i međunarodnu saradnju, Federalni zavod za programiranje razvoja Federacije BiH, Ministarstvo za evropske integracije i međunarodnu saradnju Republike Srpske, Vlada Distrikta Brčko)

B. OPIS PROJEKTA I SVRHA ANGAŽMANA

Bosna i Hercegovina (BiH) je izrazila opredijeljenost za implementaciju globalne Agende 2030 i Ciljeva održivog razvoja (SDG), koji se realizuju kroz **Okvir za implementaciju Ciljeva održivog razvoja u BiH** (Okvir SDG) koji je usvojilo Vijeće ministara BiH, kao i vlade Brčko Distrikta BiH (BD BiH), Federacije BiH (FBiH) i Republike Srpske (RS). Za potrebe praćenja napretka u realizaciji SDG Okvira, Savjet ministara BiH je imenovao **Interesornu radnu grupu za praćenje implementacije Ciljeva održivog razvoja u BiH – SDG Vijeće** (u daljem tekstu SDG Vijeće BiH).

Švicarska i Bosna i Hercegovina dijele zajedničke izazove upravljanja i implementacije Ciljeva održivog razvoja u kompleksno organizovanoj vladi. Efikasna koordinacija i harmonizacija implementacije SDG-a na svim nivoima vlasti i njegova lokalizacija na nivou zajednice su oblasti od zajedničkog interesa. Razmjenom svojih dobrih praksi i učenjem o uspjesima i neuspjesima jedne druge, dvije zemlje mogu proširiti svoju

bazu znanja, otvoriti se za nove i inovativne pristupe i na taj način potencijalno postati efikasnije i djelotvornije u upravljanju procesima SDG-a i ubrzavanju implementacije SDG-a. U skladu s tim, SDG Vijeću BiH, od strane Ambasade Švicarske u BiH, ponuđen je **program SDG Partnerstvo između Bosne i Hercegovine i Švicarske**.

Svrha SDG partnerstva između BiH i Švicarske je da inspiriše intervencije održivog razvoja u različitim oblastima u dvije zemlje kroz razmjenu znanja, inovativnih pristupa, dobrih praksi i naučenih lekcija u oblasti upravljanja procesima SDG-a. Pošto su obe zemlje države sa decentralizovanim strukturama upravljanja, očekuje se da će modeli koji se primjenjuju za koordinaciju, integrisano planiranje i implementaciju Agende 2030 u dvije zemlje biti relevantni i replikativni za obe zemlje.

Predloženi konkretni rezultati SDG partnerstva su sljedeći:

1. Institucije zadužene za upravljanje Agendom 2030 u BiH i Švicarskoj uspostavljaju efikasne i efektivne mehanizme koordinacije za ispunjavanje svojih mandata;
2. Učesnici javnog, privatnog i civilnog sektora iz BiH i Švicarske uspostavljaju partnerstva za lokalizaciju SDG-a na podnacionalnim nivoima;
3. Stanovništvo u BiH je svjesnije o važnosti Agende 2030 i rezultata njene implementacije.

Inicijalna faza programa, koja traje do kraja 2024. godine, između ostalog obuhvata i aktivnost pripreme izvještaja sa analizama trenutnog stanja i preporukama za konsultacije i dalje angažovanje u cilju bolje i efikasnije implementacije SDG i Agende 2030. Izvještaji trebaju biti pripremljeni za četiri tematske oblasti: (1) učešće i saradnja sa civilnim sektorom, (2) saradnju sa akademskom zajednicom, (3) saradnja sa biznis sektorom, (4) saradnja sa kantonima/jedinicama lokalne samouprave i lokalizacija procesa;

Kako bi pomogli implementaciji programa i podržali aktivnosti iz Inicijalne faze projekta, Ambasada Švicarske u BiH angažovala je **NVO Institut za razvoj i evropske integracije (IREI)** za administriranje programskih aktivnosti za potrebe SDG Vijeća BiH tj. institucija čiji su predstavnici imenovani u SDG Vijeće. Takođe, IREI je zadužen za pripremu javnih poziva i angažovanje konsultanata.

Svrha angažmana konsultanata je da podrži aktivnost broj 2. Inicijalne faze programa SDG Partnerstva između BiH i Švicarske kroz izradu **Izvještaja o analizi trenutnog stanju lokalizacije ili procesa transformisanja SDGs u realnost na lokanom**

nivou i načinima jačanja ovog procesa u cilju efikasnije implementacije Ciljeva održivog razvoja u BiH.

Prilikom izrade pomenutog Izvještaja o analizi, neophodno je voditi računa o nadležnostima pojedinih nivoa vlasti u ovom sektoru kao i o koherentnosti sa sličnim aktivnostima koje SDG Vijeće vodi sa drugim razvojnim partnerima.

C. ZADACI I OBAVEZE KONSULTANTA

Od angažovanog konsultanta se očekuje da izradi Izvještaj o analizi trenutnog stanja i načinima jačanja lokalizacije u procesu implementacije Ciljeva održivog razvoja u BiH kroz metodološko vođenje, analizu podataka, fasilitiranje sastanaka, prerade i osiguranje kvaliteta relevantnih dijelova Izvještaja o analizi, u skladu sa postojećim ustavnim i zakonskim okvirom. Ove aktivnosti konsultant će obavljati u bliskoj saradnji sa SDG Vijećem i IREI-em. Specifičnije pojašnjeno, od konsultanta se očekuje izvršenje sljedećih zadataka:

- a. Mapiranja relevantnih aktera, politika i publikacija;
- b. Mapiranje potencijalnih partnerskih institucija/organizacija u Švicarskoj koje imaju značajno iskustvo u implementaciji procesa lokalizacije;
- c. Prikupljanje trenutno dostupnih informacija o aktivnostima identificiranih aktera;
- d. Prikupljanje mišljenja na terenu o potrebi lokalizacije za uspjeh procesa implementacije Agende 2030 i iskustvima u praksi društvenih i političkih aktera kao i građana u lokalnim zajednicama;
- e. Na osnovu sastanaka na terenu sa odabranim predstavnicima relevantnih organizacijama, institucijama i sa građanima identificirati bar po jedan izrazito pozitivan i nekoliko dobrih primjera lokalizacije u Federaciji BiH, Republici Srpskoj i Brčko Distriktu;
- f. Navesti koji indikatori SDG su korišteni za ocjenu pozitivnog i ostalih primjera lokalizacije;
- g. Sumiranje i analiza primjera dobre prakse u procesu lokalizacije tokom implementacije SDG i Agende 2030 u Švicarskoj na osnovu inputa dobivenih od strane relevantnih partnera iz Švicarske;
- h. Sumiranje i analiza svih prikupljenih informacija iz dokumenata i iz kontakata na terenu;
- i. Definisanje konkretnih preporuka kako, u toku implementacije SDGs i tokom partnerstva između BiH i Švicarske, poboljšati lokalizaciju u cilju intenziviranja

vertikalne i horizontalne saradnje svih nivoa vlasti u procesu realizacije Ciljeva održivog razvoja i Agende 2030.

Predviđeno je da ovaj zadatak bude realizovan u periodu jun - septembar 2024. godine, s tim da broj radnih, ekspertskih dana ne prelazi 12 dana.

SDG Vijeće BiH će pomno koordinisati i pratiti sva organizaciona i metodološka pitanja dok će logistiku za uspješno bavljenje zadataka i fasilitiranje komunikacije između angažovanog konsultanta vršiti IREI.

Konsultant će biti odgovoran za svoje putne aranžmane.

Celokupna usluga će biti isporučena na jednom od B/H/S jezika.

D. ISPORUKE/ OUTPUT-i

#	Isporuke/Output-i	Broj dana po zadatku	Krajnji rok
1.	Uvodni razgovori sa SDG Vijećem i IREI	½ radnog dana	Sredina juna 2024.
2.	<i>Desk istraživanje</i> <ul style="list-style-type: none">• Mapiranja relevantnih aktera, politika i publikacija koje definišu oblast lokalizacije;• Mapiranje lokalnih zajednica koje će konsultant posjetiti;• Istražiti dosadašnje modele saradnje vlada, drugih institucija i interesornih radnih grupa sa lokalnim nivoom. <u>Napomena:</u> Odabir lokalnih zajednica će biti urađen na osnovu preporuka SDG Vijeća.	2 i ½ radnih dana	Kraj juna 2024.
3.	Prikupljanje mišljenja na terenu o trenutnom stanju lokalizacije, potrebi i načinima njenog jačanja kroz rad viših nivoa vlasti sa i u lokalnim zajednicama. <p>Informacije na terenu se trebaju prikupljati na osnovu posjete 10 lokalnih zajednica, i to:</p> <ul style="list-style-type: none">- po tri (3) lokalne zajednice (po jedna razvijena i jedna manje razvijena gradska i jedna ruralna) iz Federacije BiH i Republike Srpske,- 2 lokalne zajednice iz Distrikta Brčko i	2 radna dana	Kraj jula 2024.

	- 2 lokalne zajednice iz Bijeljine (jedna gradska i jedna ruralna) koja je šampion u implementaciji Agende 2030 u BiH.		
4.	<p>Priprema nacrtu Izvještaja o analizi</p> <p>Analiza mora da sadrži sledeće:</p> <ul style="list-style-type: none"> • Trenutno stanje u procesu implementacije s i Agende 2030 civilnog sektora i NVO po pitanju implementacije SDG; • Željeno stanje po pitanju u toku implementacije s i Agende 2030 saradnje civilnog sektora sa vlastima u BiH na implementaciji SDG i korištenja partnerstva između BiH i Švicarske; • Preporuke za unapređenje stanja i jačanje uloge lokalizacije prilikom implementacije SDG i Agende 2030 kao i uloge SDG Vijeća u tom procesu. 	5 radna dana	Sredina avgusta 2024.
5.	<p>Radionica/sastanak sa SDG Vijećem BiH o nacrtu Analize</p> <ul style="list-style-type: none"> • Zakazivanje i dostavljanje nacrtu Analize putem IREI-a članovima SDG Vijeća BiH najmanje deset (10) dana prije održavanja sastanka. • Moderiranje radionice/sastanka sa članovima SDG Vijeća i predavljanje nacrtu Analize 	1 radni dan	Kraj avgusta 2024.
6.	Korekcije i finaliziranje Izvještaja o analizi.	1 radni dan	Sredina septembra 2024.

E. KVALIFIKACIJE

- **Akadske kvalifikacije**

Univerzitetska/fakultetska diploma društvenih nauka ili druge relevantne oblasti. Viša akademska zvanja smatraće se kao prednost.

- **Iskustvo**

Najmanje 5 godina konsultantskog iskustva u oblastima dostizanja SDGs (ili MDGs), razvojne saradnje, kreiranje javnih politika i rada u/sa lokalnim zajednicama.

- **Jezik**

Tečno poznavanje engleskog jezika i službenih jezika u Bosni i Hercegovini (B/H/S).

- **Druge kvalifikacije**

- Iskustvo u analizi politika, strateškom planiranju i istraživanju, mobilizaciji i angažmanu u zajednici;
- Jaka konceptualna i istraživačke/analitičke vještine sa sposobnošću analize podataka i informacija iz različitih izvora i izradi koherentnog dokumenta/izvještaja o analizi;
- Izuzetne pismene i usmene komunikacijske vještine, međuljudske i vještina uspostavljanja veza kao i sposobnost da prenosi svoje ideje i zahtjeve jasnim, direktnim i prihvatljivim stilom;
- Sposobnost samostalnog rada, rada pod pritiskom i sposobnost prilagodbe izazovima kako bi isporučio visokokvalitetne rezultate svog rada u zacrtanom vremenskom roku;
- Posjedovanje dobrih organizacionih sposobnosti, kreativnosti i inovativnosti;
- Znanje i iskustvo rada sa drugim organizacijama uključujući i međunarodne organizacije;
- Iskustvo u uređivanju i lektorisanju pripremljenih dokumenata;
- Odlične interpersonalne vještine i fleksibilan stav koji uvažava i mišljenja ostalih učesnika u projektnim aktivnostima.